

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA

OBRADIVAČ:

Komisija za izradu nacrtu Pravilnika o kriterijima i  
postupku za određivanje naziva ulica, bulevara, trgova,  
mostova i parkova na teritoriji grada Zenica

N A C R T

\*\*\*\*\*

**ODLUKA**  
**O KRITERIJIMA I POSTUPKU ZA ODREĐIVANJE NAZIVA ULICA, BULEVARA,**  
**TRGOVA, MOSTOVA I PARKOVA NA TERITORIJI GRADA ZENICA**

\*\*\*\*\*

Zenica, april 2024. godine

Na osnovu člana 13. stav (2) alineja 9. Zakona o principima lokalne samouprave ("Službene novine Federacije Bosne i Hercegovine", br. 49/06 i 51/09), člana 21. tačka 11. Statuta Grada Zenica ("Službene novine Grada Zenica", broj 5/15), Gradsko vijeće Grada Zenica na \_\_\_ sjednici održanoj dana \_\_\_\_\_ godine, donosi

**O D L U K U**  
**o kriterijima i postupku za određivanje naziva**  
**ulica, bulevara, trgova, mostova i parkova na teritoriji grada Zenica**

**Član 1.**  
**(Predmet)**

Ovom odlukom se utvrđuju načela, kriteriji, postupak i način davanja i izmjene naziva ulica, bulevara, trgova, mostova i parkova na teritoriji grada Zenica (u daljem tekstu: Odluka).

**Član 2.**  
**(Ovlašteni predlagači)**

Inicijativu za davanje ili izmjenu naziva ulica, bulevara, trgova, mostova i parkova (u daljem tekstu: Inicijativa) mogu podnijeti:

- a) gradonačelnik,
- b) vijećnici Gradskog vijeća,
- c) savjeti mjesnih zajednica sa minimalno 50 potpisa građana s područja te mjesne zajednice,
- d) javne ustanove,
- e) organizacije civilnog društva sa minimalno 50 potpisa članova određene organizacije.

**Član 3.**  
**(Sadržaj inicijative)**

(1) Inicijativa se podnosi u pisanom obliku na propisanom obrascu koji sadrži sljedeće podatke:

- a) postojeći naziv,
  - b) prijedlog novog naziva,
  - c) detaljno obrazloženje sa razlozima za davanje ili izmjenu naziva,
  - d) tekstualan opis sa osnovnim podacima o lokaciji i graničnim tačkama ulice, bulevara, trga, mosta ili parka,
  - e) izjavu da inicijativa ne sadrži nacionalističku i fašističku ideologiju.
- (2) Obrazac iz stava (1) ovog člana je sastavni dio Odluke.

**Član 4.**  
**(Inicijativa koja se odnosi na ime osobe)**

(1) Inicijativa koja se odnosi na ime neke osobe sadržava osnovne biografske podatke i one podatke koji se odnose na doprinos navedene osobe razvoju grada Zenica i Bosne i Hercegovine.

(2) Ulica, bulevar, trg, most ili park ne može dobiti naziv po imenu žive osobe, niti po imenu osobe koja je osuđena od strane bilo kojeg međunarodnog ili domaćeg suda za zločin genocida, zločine protiv čovječnosti ili ratne zločine.

**Član 5.**  
**(Dostavljanje inicijative nadležnom organu)**

(1) Inicijativa iz člana 3. ove odluke upućuje se predsjedavajućem Gradskog vijeća koji je dostavlja Komisiji za određivanje naziva ulica, bulevara, trgova, mostova i parkova (u daljem tekstu: Komisija).

(2) Komisiju u sastavu od 11 članova iz oblasti kulture, akademske zajednice i foruma građana imenuje Gradonačelnik, na mandatni period u trajanju od četiri godine.

#### **Član 6. (Nepotpune inicijative)**

Inicijativa koja nije podnesena u skladu sa odredbama člana 3. i 4. ove odluke ne uzima se u razmatranje.

#### **Član 7. (Rad Komisije)**

(1) Prilikom razmatranja inicijative Komisija ocjenjuje kvalitet predloženog naziva i njegovu sadržajnost.

(2) Kvalitet predloženog naziva ogleda se u liku i djelu te osobe i njenom neposrednom i posrednom uticaju na prošlost, sadašnjost i budućnost grada Zenica i Bosne i Hercegovine.

(3) Sadržajnost prijedloga ogleda se u uvažavanju zastupljenosti naziva iz starije i novije historije grada Zenice, odnosno Bosne i Hercegovine te potrebe očuvanja bitnih vrijednosti demokratskog društva.

#### **Član 8. (Načela za razmatranje inicijative)**

~~Načela za davanje i izmjenu naziva ulica, bulevara, trgova, mostova i parkova su sljedeća:~~

- a) uvažavanje izvornih rješenja naziva ulica, bulevara, trgova, mostova i parkova iz vremena kada su izgrađeni, kao i naziva koji su tokom historije postali dio svijesti i tradicije građana,
- b) uvažavanje potreba grupisanja imena ulica, bulevara i trgova radi kvalitetne orijentacije,
- c) poštovanje principa zadržavanja naziva ulica, bulevara, trgova, mostova i parkova koji imaju kontinuitet takvih naziva,
- d) nepotrebno mijenjanje naziva više puta,
- e) upotreba što kraćih naziva kako bi odgovarali programima za izdavanje identifikacionih dokumenata građana,
- f) osiguranje zastupljenosti naziva iz svih perioda historije Grada Zenice i Bosne i Hercegovine,
- g) osiguranje zastupljenosti pripadnika svih naroda Grada Zenice i Bosne i Hercegovine.

#### **Član 9. (Kriteriji)**

Kriteriji za dodjelu ili izmjenu naziva ulica, bulevara, trgova, mostova i parkova određuju se po:

- a) geografskim pojmovima (grad, rijeka, toponim i slično),
- b) datumima vezanim za značajne događaje iz historije grada Zenica i Bosne i Hercegovine,
- c) imenima osoba koje su dale značajan doprinos u historiji grada Zenica i Bosni i Hercegovini,
- d) nazivima formacija, njihovim rukovodiocima ili istaknutim pojedincima u organizovanju borbe protiv okupatora i njegovih saradnika u periodu od 1941. do 1945.

godine, kao i organizovanju tokom perioda odbrambeno - oslobodilačkog rata od 1992. do 1995. godine,

- e) imenima osoba koje su dale svoj doprinos u kulturnom, privrednom, društvenom, sportskom i naučnom razvoju grada Zenica i Bosne i Hercegovine (osvojene nagrade),
- f) ranijem historijskom nazivu.

#### **Član 10.**

##### **(Mišljenje drugih organa)**

- (1) Prilikom razmatranja inicijative Komisija obavezno pribavlja mišljenje:
  - a) savjeta mjesne zajednice, ukoliko isti nije podnosilac inicijative, sa područja gdje je potrebno dati ili izmijeniti naziv,
  - b) udruženja boraca na čiji se naziv formacije, rukovodioca ili istaknutog pojedinca inicijativa odnosi, ukoliko se radi o davanju naziva u skladu sa kriterijima iz člana 9. tačka d) Odluke,
  - c) saglasnost porodice, ako postoji, ukoliko se radi o davanju naziva u skladu sa kriterijima iz člana 4. Odluke.
- (2) U proceduri razmatranja inicijative Komisija može tražiti i mišljenja od stručnih ustanova i institucija za određene oblasti.

#### **Član 11.**

##### **(Odluka o davanju ili izmjeni naziva)**

- (1) Komisija razmatra inicijativu i svoj stav dostavlja Gradskom vijeću u roku od 30 dana.
- (2) Gradsko vijeće dvotrećinskom većinom donosi zaključak kojim se inicijativa prihvata ili odbija i određuje način pripreme i nosioce izrade akta.
- (3) Zaključak iz stava (2) ovog člana se dostavlja podnosiocu inicijative.

#### **Član 12.**

##### **(Vremensko ograničenje)**

Naziv dodjeljen ili izmijenjen u skladu sa odredbama ove odluke ne može biti izmijenjen najmanje u periodu od 20 godina od dana utvrđivanja naziva.

#### **Član 13.**

##### **(Registar naziva ulica, trgova, mostova i parkova)**

- (1) Za teritorij grada Zenice se vodi Registar naziva ulica, trgova, mostova i parkova (u daljem tekstu: Registar).
- (2) Registar je službena evidencija o nazivima ulica, trgova, mostova i parkova u upotrebi koji vodi nadležna gradska služba.
- (3) Služba iz stava (2) ovog člana je dužna izraditi Registar u roku od 6 mjeseci od dana stupanja na snagu ove odluke.
- (4) Nazivi ulica, bulevara, trgova, mostova i parkova ne mogu se mijenjati do objave Registra.

#### **Član 14.**

##### **(Stupanje na snagu)**

Ova odluka stupa na snagu osmog dana od dana objave u "Službenim novinama Grada Zenica".

Broj:  
Zenica,

**PREDSJEDAVAJUĆI**  
**GRADSKOG VIJEĆA ZENICA**  
Mirza Husetić

## **OBRAZLOŽENJE**

### **I PRAVNI OSNOV**

Pravni osnov za donošenje Odluke o kriterijima i postupku za određivanje naziva ulica, trgova, mostova i parkova na teritoriji grada Zenica sadržan je odredbama člana 13. stav (2) alineja 9. Zakona o principima lokalne samouprave ("Službene novine Federacije Bosne i Hercegovine", br. 49/06 i 51/09) i člana 21. tačka 11. Statuta Grada Zenica ("Službene novine Grada Zenica", broj 5/15) kojima je utvrđeno da gradsko vijeće u okviru svojih nadležnosti donosi odluke o organizaciji mjesne samouprave i nazivima ulica, trgova i naseljenih mjesta.

### **II RAZLOZI ZA DONOŠENJE**

Rješenjem o utvrđivanju novih naziva ulica, bulevara, trgova i mostova („Službene novine općine Zenica“, br. 4/06 - prečišćen tekst, 5/06, 3/09 i 8/10) utvrđeni su postojeći nazivi ulica, bulevara, trgova i mostova.

Kako iz pravnog osnova obrazloženja proizilazi jasna nadležnost Gradskog vijeća da uredi ova pitanja, a označenim rješenjem nisu utvrđeni kriteriji na osnovu kojih bi se proveo postupak davanja ili izmjene naziva ulica, bulevara, trgova, mostova i parkova, to je Gradsko vijeće u Programu rada Gradskog vijeća Zenica za period 1. januar do 31. decembar 2024. godine za obrađivača ovog akta označilo radnu grupu sa zadatkom da utvrdi načela, kriterije, postupak i način davanja i izmjene naziva ulica, bulevara, trgova, mostova i parkova na teritoriji grada Zenica.

### **III FINANSIJSKA SREDSTVA**

Za provođenje ove odluke nisu potrebna posebna finansijska sredstva iz Budžeta Grada Zenica.

### **IV OBRAZLOŽENJE POSTUPKA**

Ova odluka podnosi se u fazi nacрта iz kojeg razloga je potrebno provesti javnu raspravu u trajanju od 30 dana.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
GRAD ZENICA  
KOMISIJA ZA OREĐIVANJE NAZIVA, BULEVARA,  
TRGOVA, MOSTOVA I PARKOVA**

Podnosilac inicijative

Adresa prebivališta / sjedište

Broj telefona

Na osnovu člana 2. Odluke o kriterjima i postupku određivanja naziva ulica, bulevara, trgova, parkova i mostova na teritoriji grada Zenica ("Službene novine Grada Zenica", broj \_/24 – u daljem tekstu: Odluka), podnosim

**INICIJATIVU ZA DAVANJE I IZMJENU NAZIVA  
ulica, bulevara, trgova, parkova i mostova na teritoriji grada Zenica**

Postojeći naziv:	
Prijedlog novog naziva:	
Detaljno obrazloženje sa razlozima za davanje ili izmjenu naziva:	
Tekstualan opis sa osnovnim podacima o lokaciji i graničnim tačkama ulice, bulevara, trga, mosta ili parka:	
Izvori podataka:	

Uz popunjen obrazac je potrebno dostaviti i sljedeću dokumentaciju:

- izjavu iz člana 3. stava (1) tačke e) Odluke da inicijativa ne sadrži nacionalističku i fašističku ideologiju ovjerenu od strane nadležnog organa,
- spisak od 50 potpisa građana mjesne zajednice, odnosno članova organizacije civilnog društva ukoliko inicijativu podnose ovlašteni predlagači iz člana 2. tačka c) ili e) Odluke.

**POTPIS PODNOSIOCA INICIJATIVE**

\_\_\_\_\_